

帝王世紀

# 帝王世紀集校序

隋書經籍志帝王世紀十卷皇甫謐撰起三皇盡漢魏自唐以後亡矣今由舊書略加搜采粗分卷帙校定其文燦然可誦敘曰太史公稱尚書載堯以來而百家言黃帝其文不雅馴意以唐虞以前恍忽窅冥言之尠實然孔子贊易嘗言庖犧神農更推黃帝以上而周官內史掌三皇五帝之書雖或取中古爲可信何嘗棄鴻荒而不談哉皇甫士安出自西晉代邇秦漢九流未泯上稽牛首下訖當塗蓋亦本宣聖之成典復內史之遺則遠追繩契附會恒滋揆於載筆足資多識考此書之出唐宋以來多有崇尚覈其所載亦受指摘是非一端余致意再三辨其枉曲東晉尚書僞跡大顯世紀之內

輒引其文謂作僞之由發於皇甫今考世紀夏商二代引五  
子之歌仲虺之誥按校文誼上下不屬又時日曷喪之義上  
同於伏生罪在朕躬之禱事符於呂墨較於梅書違異絕甚  
北史劉炫傳言炫僞造連山易而世紀亦引連山之文凡此  
諸科大抵羣入夫方士惑主且藏牛腹之書私家賂行尙定  
蘭臺之字而況寫諸家策習於口耳者乎太沖練都蔚然可  
傳元晏同時猶假名爲序而況異世之人邈若河漢作僞之  
術不嫌徑庭者乎試以此書校乎史記子長氏取才六經綜  
覈傳記其旨約而泐士安氏旁推絳緯鉤探九流其義博而  
正怪異之錄不經之談兩家之書俱無斯累削茲青檢錄彼  
散亾亦其宜矣其紀都邑明帝王之興廢在德匪險紀墾田

民數明盛衰之故關乎聚散田治則民聚年凶而不饑田荒則民散國危而難立謀治國者當攷求於茲至於漢之帝后各有名字馬班所無竊疑魏晉之間別有相沿之說況士安之時稍近於古卽得異於傳聞無以明其穿鑿後儒有譏未敢遽同也嘉慶十七年四月宋翔鳳記

○世紀序

帝王世紀第一 自開闢至三皇

晉徵士皇甫謐撰

長洲宋翔鳳集校

天地未分謂之太易元氣始萌謂之太初氣形之始謂之太始形變有質謂之太素太素之前幽清寂寞不可爲象惟虛惟無蓋道之根道根既建由無生有由一作猶通由太素質始萌萌

而未兆謂之麗洪蓋道之幹既育萬物成體於是剛柔始分

清濁始位

位一作立古通

天成於外而體陽故圓以動蓋道之實質

形已具謂之太極

御覽一列子天瑞篇易乾鑿度又易稽覽圖推易

按太易太初太始太素之說見

天地人之元術云先置天元太初癸巳元年一百九十萬八千八百五十三歲乃始太初元年已來載數其言天元太初者謂元氣始萌之太初也言太初元年者謂漢之太初也蓋自元氣之萌而已有可推之數御覽又引禮斗威儀曰二十

九萬一千八百四十歲而反太素禮含文嘉曰推之以上元爲始起十一月甲子朔旦夜半冬至日月五星俱起牽牛之

初鄭注上元太素已來至所未年據此知太初太始太素已來俱有年可求故世紀敘之於首

天皇大帝曜魄寶地皇為天一人皇為太一五行大義五

天子至尊之定名也應神受命為天所子故謂之天子故孔

子曰天子之德感天地洞八方洞一作動是以功合神者稱皇德

合天地稱帝義合者稱王徇覽七十六按執文類聚十一引作仁義合者稱王又按公羊成

八年注引孔子曰德合天地者稱帝河洛受瑞可放仁義合者稱王此義上當有仁字本春秋說也

功合神者稱皇德合地者稱帝德合人者稱王初學記九

太昊帝庖犧氏風姓也按初學記引此下有景龍瑞故以龍紀官十字虺身人首

有聖德都陳路史後紀一引作瑟三十六弦按初學記引此下有長八

尺一燧人氏沒庖犧氏代之繼天而王首德於木為百王先

帝出於震未有所因故位在東方主春象日之明是稱太昊

制嫁娶之禮取犧牲以充庖廚故號曰庖犧後世音謬故或

謂之宓犧

原注一解云宓古伏字後誤以宓為密故號曰密

學引一解兩宓字亦作慮後漢一號黃熊氏按五行大義引

班固傳注引作後或謂之伏義

紀云一作雄皇

後路史

包羲亦號天皇

在位一百一十年御覽七十八引

取犧牲以供庖廚食天下

班固傳注引故號曰庖犧氏或作

宓戲氏者宓字誤也

按二宓字皆當作密

當山下著必

按山當

是古之

伏字

禮記月令正義

太皞帝庖犧氏風姓也母曰華胥燧人之世有大人之迹出

於雷澤之中華胥履之生庖犧於成紀蛇身人首有聖德為

百王先帝出於震未有所因故位在東主春象日之明是以

稱太皞一號黃熊氏

同上 尚書序正義 史記索隱補三皇紀

伏羲氏仰觀象於天俯觀法於地觀鳥獸之文與地之宜近  
取諸身遠取諸物於是造書契以代結繩之政畫八卦以通  
神明之德以類萬物之情所以六氣六府五藏五行陰陽四  
時水火升降得以有象百病之理得以有類乃嘗味百藥而  
制九針以極天枉焉

御覽七百二十一

庖犧作八卦神農重之爲六十四卦黃帝堯舜引而申之分  
爲二易至夏人因炎帝曰連山殷人因黃帝曰歸藏文王廣  
六十四卦著九六之爻謂之周易

初學記廿一 御覽六百九

伏羲葬南郡或曰冢在山陽高平之西也

三皇紀 按路史後紀引此云葬南

郡在襄陽



太昊在位一百一十年子孫五十九姓傳世五萬餘歲

唐文粹陳

鴻大統紀序

女媧氏亦風姓也承庖犧制度

菑文類聚十一引此文無此五字有作笙簧三字

亦

蛇身人首一號女希是爲女皇其末諸侯有共工氏任智刑

以強伯而不王以水承木非行次故易不載及女媧氏沒次

有大庭氏柏皇氏中央氏栗陸氏驪連氏赫胥氏尊盧氏渾

混氏昊英氏有巢氏朱襄氏葛天氏陰康氏無懷氏凡十五

世皆襲庖犧之號

禮記正義一

初學記九

御覽七十八

燧人爲皇宋均以祝融爲皇而鄭依春秋緯以女媧爲皇承

伏義皇甫謐亦同按女媧襲庖犧制度故雖爲皇而不自

爲一代

神農氏姜姓也母曰任姒

冊府元龜作任已

有喬氏之女名女登爲

少典如遊於華陽有神農首感女登於尙一作常羊生炎帝人

身牛首長於姜水因以氏焉有聖德以火承木位在南方主

夏故謂之炎帝都於陳作五弦之琴凡八世帝承帝臨帝明

帝直帝來帝衰帝榆罔御覽七十又七十八

炎帝神農母曰任姒有蟠氏女有女登少典如遊華陽有龍

首感之生神農於裳羊山一曰少典取葬水氏女曰聽訞音妖

生帝臨魁御覽百三十五

位南方主夏故曰炎帝作耒耜始教民耕農嘗別草木令人

食穀以代犧牲之命故號神農一號魁隗氏是為農皇五行大義

五

炎帝初都陳又徙魯五帝紀索隱

魁隗氏又曰連山氏又曰列山氏又

炎帝神農氏長於江水始教天下耕種五穀而食之以省殺生嘗味草木宣療疾救天傷人命百姓日用而不知著本

草四卷

御覽七百廿三

神農氏本起於烈山或時稱之

据禮記祭法正義校增按三皇紀注曰鄭元云厲山神農

所起亦曰有烈氏皇甫謐曰厲山今隨之厲鄉也

一號魁隗氏是為農皇或曰炎帝

時諸侯夙沙氏叛不用命

菽文類聚十一引此下有箕文諫而殺之六字

炎帝退而

脩德夙沙之民自攻其君而歸炎帝營都於魯重八卦之數

究八八之體為六十四卦在位百二十年而崩葬長沙

御覽七十

八三皇紀曰按國語炎帝黃帝皆少典之子其母又皆有嬌氏之女據諸子及古史考炎帝之後凡八代五百餘年軒轅氏代之豈炎帝黃帝是昆弟而同母氏乎皇甫謐以為少典有嬌氏諸侯國號然則姜姬二帝同出少典氏黃帝之母

○世紀一

四

訓纂堂叢書貴筑楊氏采

又是神農母氏之後代女  
所以同是有嬌氏之女也

在位百二十年而崩至榆罔凡八世合五百三十年初學記九路

史後紀曰春秋命歷序炎帝八代五百二十年古今通系世紀等並因乎此

蚩尤氏強與榆罔爭王於涿鹿之野御覽五十六

榆罔居空桑空桑爲陳畱故歸藏啓筮云蚩尤伐空桑按此十一

字後人帝所居也路史後紀四

炎帝戮蚩尤於中冀名其地曰絕轡之野苑文類聚六御覽五十五

黃帝有熊氏少典之子姬姓也母曰附寶其先卽炎帝母家

有嬌氏之女世與少典氏婚故國語兼稱焉及神農氏之末

少典氏又取附寶見大電光繞北斗樞星照郊野感附寶孕

二十五月初學一路史後記並引作二十月生黃帝於壽

邱

御覽百卅五引此下注云干寶曰二十五月生餘同按此則正文當是二十月長於姬水因以為

姓

四字依史記索隱增以土承火位在中央故曰黃帝三句依五龍顏行大義增

書正義引作黃帝角龍顏

有聖德受國於有熊居軒轅之邱故因以為

名又以為號與神農氏戰於阪泉之野三戰而克之力牧常

先大鴻神皇鉅封直人鎮

神皇已下一本作神農皇直封鉅大鎮

大山稽鬼與

區封胡孔甲等

孔一作孝

或以為師或以為將分掌四方各如已

視故號曰黃帝四目又使岐伯嘗味百草典醫療疾今經方

本草之書咸出焉其史倉頡又取象鳥跡始作文字

御覽二百卅五

引此下有之篆二字

史官之作蓋自此始記其言行策

又引而藏之名作冊

曰書契黃帝亦號帝鴻氏或曰歸藏氏或曰帝軒吹律定姓

有四妃生二十五子在位百年而崩年一百一十歲

史記集解引作

年百一十一歲

御覽七十九

黃帝垂衣裳倉頡造文字然後書契始作

初學記廿一

居軒轅之邱故因以爲名得寶鼎興封禪有景雲之瑞故以

雲紀官爲雲師以土德王在位百年而崩年百一十歲或言

壽三百歲故宰我疑以問孔子孔子曰人賴其利百年而崩

人畏其神百年而亾人用其教百年而移故曰三百年

初學記九

神農氏衰黃帝修德化民諸侯歸之黃帝於是乃擾馴猛獸

與神農氏戰於阪泉之野三戰而克之又徵諸侯使力牧神

皇直討蚩尤氏擒之於涿鹿之野使應龍殺之於凶黎之邱

史記索隱

凡五十二

一作五

戰而天下大服或傳以爲仙或言壽

三百歲葬於上郡陽周之橋

一作山

山

御覽七十九

居軒轅之邱故因以為號治五氣設五量及神農氏衰黃帝  
脩德撫民諸侯咸去神農而歸之黃帝於是乃擾馴猛獸與  
神農氏戰於阪泉之野三戰而克之又徵諸侯使力牧神皇  
直討蚩尤氏擒之於涿鹿之野使應龍殺之於凶黎之邱凡

五十二戰而天下大服

聚類文類  
十一

聲禁重聲衣禁重衣食禁重味居禁重室

路史後紀按此是黃帝之教

黃帝夢大風吹天下之塵垢皆去又夢人執千鈞之弩驅羊  
數萬羣帝寤而歎曰風為號令執政者也垢去土后在也

御覽作是能

天下豈有姓風名后者哉夫千鈞之弩異力也

御覽作是能

力能遠

驅羊數萬羣能牧民為善者也

御覽作是能

天下豈

有姓力名牧者哉於是依二占以求之

御覽作二夢得風后之占而求之

於海隅登以爲相得力牧於大澤進以爲將五帝紀正義御覽三百九十

黃帝以風后配上台天老配中台五聖配下台謂之三公其餘知天規紀地典力牧常先封胡孔甲等或以爲師或以爲

將

後漢張衡傳注

黃帝四史官沮誦倉頡隸首孔甲

小學紺珠五

黃帝有熊氏命雷公岐伯論經脈旁通問難八十一爲難經

教制九針著內外術經十八卷

御覽七百廿一

岐伯黃帝臣也帝使岐伯嘗味草木典主醫病經方本草素

問之書咸出焉

又

黃帝五十年秋七月庚申天大霧三日帝游洛水之上見大



魚殺五牲以醺之天乃甚雨七日七夜魚流始得圖書今河

圖視萌篇是也世傳大霧三日必有甚雨自此始也初學記六御

覽十又十五又八百七十二

凡重霧三日必大雨雨未降不可冒行御覽十五

黃帝四妃生二十五子依御覽百卅五增此句元妃西陵氏女曰螺祖

生昌意次妃方雷氏女曰女節生青陽次妃彤魚氏女生夷

鼓一名蒼林次妃嫫母班在三人之下五帝紀索隱

黃帝於東海流波山得奇獸狀如牛蒼身無角能走出入水

中則風雨光如日月其音如雷名曰夔黃帝殺之以其皮爲

鼓聲聞五百里御覽五百八十二又八百九十九

黃帝服齋於中宮坐於元扈洛上乃有大鳥雞頭鸞喙龜頭

龍形鱗翼魚尾其狀如鶴體備五色三文成字首文曰順德背文曰信義膺文曰仁智不食生蟲不履生草或止帝之東

園或集阿閣其飲食也必自歌舞音如簫笙

初學記卅路史後紀曰今商

之止洛南有冠山

黃帝時蟪大如虹

御覽九百四十七

宓犧爲天子都陳在禹貢豫州之域西望外方東及明緒

一作

渚路史後紀三引作明諸

於周陳胡公所封故春秋傳陳太昊之墟也於

漢屬淮陽今陳國是也神農氏亦都陳又營曲阜故春秋稱

魯大庭氏之庫黃帝都涿鹿於周官幽州之域在漢爲上谷

而世本云涿鹿在彭城今上谷有涿鹿縣及蚩尤城阪泉地

又有黃帝祠皆黃帝戰蚩尤之處也或曰黃帝都有熊今河

南新鄭是也

御覽百五十五

或言故有熊氏之墟黃帝之所都也鄭氏徙居之故曰新鄭

矣

水經洧水注

炎帝自陳營都於魯曲阜黃帝自窮桑登帝位後徙曲阜顓  
頊始都窮桑徙商邱窮桑在魯北或云窮桑卽曲阜也又爲

大庭氏之故國又是商奄之地

周本紀正義

黃帝生於壽邱在魯城東門之北

後漢郡國志注

居軒轅之邱於山

海經云此地窮桑之際西射之南是也

周本紀正義

天子畿方千里曰甸服甸服之內曰京師

御覽百五十五

天子所宮曰都

又

按史記五帝紀索隱曰皇甫謐帝王代紀及孫氏注系本

並以伏羲神農黃帝爲三皇少昊高陽高辛唐虞爲五帝

帝王世紀第二 五帝

晉徵士皇甫謐撰

長洲宋翔鳳集校

少昊帝名摯字青陽

後漢張衡傳注引作清陽

姬姓也母曰女節黃帝時

有大星如虹下流華渚女節夢接意感生少昊是為元囂降

居江水有聖德邑於窮桑以登帝位都曲阜故或謂之窮桑

帝以金承土故曰金天

四字據五行大義增

即圖讖所謂白帝朱宣者

也位在西方主秋令有光明居小陰位

十四字亦據五行大義增

故稱少

昊號金天氏在位百年而崩

御覽七十九

葬於雲陽

路史後紀

少昊樂曰九淵

又

少昊乃方雷氏所生

五帝紀集解

少昊邑於窮桑都曲阜故或謂之窮桑帝地在魯城北

後漢張衡

注傳

少昊氏自窮桑登位故春秋傳曰世不失職遂濟窮桑登帝位在魯北後徙曲阜於周爲魯在禹貢徐州蒙羽之野奎婁之分降婁之次周以封伯禽故春秋傳曰命伯禽而封少昊之墟是以書序魯公伯禽宅曲阜是也

御覽百五十五

帝顓頊高陽氏黃帝之孫昌意之子姬姓也母曰景僕蜀山氏女爲昌意正如謂之女樞金天氏之末瑤光之星貫月如虹感女樞幽房之宮生顓頊於若水首戴干戈有聖德父昌意雖黃帝之嫡以德劣降居若水爲諸侯及顓頊生十年而佐少昊十二年而冠二十年

御覽一本作二十二者非

而登帝位平九黎

之亂以水承金位在北方主冬以水事紀官命南正重司天  
以屬神北正黎司地以屬民於是民神不雜萬物有序始都  
窮桑後徙商邱命飛龍效八風之音作樂五英御覽作音以  
依蒧文改  
祭上帝納勝墳氏女嫁原注音祿生老童有才一作材子八人號八  
凱顓頊在位七十八年九十八本作一依史  
記集解改歲歲在鶉火而  
崩葬東郡頓邱廣陽里蒧文類聚十一  
初學記九  
御覽  
七九  
禮記月令正義  
五行大  
義

顓頊氏自窮桑徙商邱於周爲衛在禹貢冀州太行之東北  
踰常山及兗州桑土路史後紀  
作廣桑之野營室東壁之分豕韋之  
次故春秋傳曰衛顓頊之墟也謂之帝邱今東郡濮陽是也

御覽百  
五十五

帝譽高辛氏姬姓也其母不見按言其母姓字不見也初學記九及御覽一本見作覺非

生而神異自言其名曰參亦作遂五行大義亦同 齟齒有聖德能順三

辰四字據五年十五而佐顓頊三十登帝位都亳以木承水

以五行名官九字依五行大義增 故以句芒為木正祝融為

火正蓐收為金正元冥為水正后土為土正是五行之官分

職而治諸侯於是化被天下遂作樂六莖以康帝位世有才

子八人號曰八元亦納四妃卜其子皆有天下元妃有郃御覽

作台依詩生民正義改 氏女曰姜嫄生后稷次有娥氏女曰簡狄生高

次陳鋒御覽作豐依詩正義改 氏女曰慶都生放勳次姬訾氏女曰常

儀生帝摯帝摯在位七十五年史記集解補文類聚引作七十年 年百五歲

而崩葬東郡頓邱廣陽里原注陶宏景云在位六十三年年九十二御覽八十



簡狄剖背生契

詩生民正義

帝嚳氏都亳今河南偃師是也禹貢外方之城嵩之北或言

在梁非也

御覽百五十五

帝摯之母於四人之中其班最下而摯年兄弟最長故得登

帝位封異母弟放勛為唐侯摯在位九年政輒弱而唐侯德

盛諸侯歸之摯服其義乃率其羣臣造唐朝而致禪因委心

一作因

願為臣唐侯於是知有天命乃受帝禪而封摯於高

辛氏事不經見漢故議郎東海衛宏所傳云爾

御覽八十

帝堯陶唐氏伊

此字據初學記增

祁姓也母曰慶都孕十四月而生

堯於丹陵

尚書序正義引此云慶都觀河遇赤龍晦然陰風感而有孕十四月而生堯

虞都生而禪異常有黃雲覆其上

名曰放勛鳥庭荷

引作河

勝眉有八采

豐下銳上

十二字依初學記增

或從母姓伊耆

初學記作祁

氏年十五而佐

帝摯受封於唐爲諸侯身長十尺嘗夢攀天而上之故年二

十而登帝位以火承木都平陽置敢諫之鼓天下大和命羲

和四子羲仲羲叔和仲和叔分掌四嶽

菽文類聚十一引作分掌四時方嶽之職

故名曰諸侯有苗氏處南蠻而不服堯征而克之於丹水之

浦乃以尹壽許由爲師命伯夔放山川谿谷之音

按放讀爲依放之放

一作訪

作樂大章天下大和百姓無事有八十老人擊壤於

道

路史後紀十一引作八九十老人擊壤歌於康衢

觀者歎曰大哉帝之德也老人

曰吾日出而作日入而息鑿井而飲耕田而食帝何力於我

哉於是景星曜於天甘露降於地朱草生於郊鳳皇止於庭

嘉禾孳於畝澧泉湧於山有焦僂氏

菽文氏作民於是景星以下依菽文類聚十一

增來貢沒羽厨中自生肉脯菰文初學記並引有其薄二字如嬰形搖鼓自

生風使食物寒而不臭名曰嬰脯御覽九引作堯時厨中自生肉脯中自生肉脯薄如

嬰搖則生風又引嬰脯作嬰膊又有草夾階而生隨月生死王者以是占日

月之數惟盛德之君應和而生故堯有之名曰蓂莢一名曆

莢始封稷契咎繇褒進伯禹納舜于大麓後年二月又率羣

臣刻壁為書東沈于洛干洛執文引作洛水言天命當傳舜之意今中

候運衡之篇是也初學記九引作堯率諸侯羣臣沈璧於洛河受圖書今尚書中候握河紀之篇是也

舜攝政二十八年堯與方迴遊陽城當作城陽而崩尚書所謂二

十有八載放勳乃殂落是也按說文引虞書曰放勳乃殂此許氏據書古文也世紀正同東

晉古文作帝乃殂落百姓如喪考妣三載四海遏密八音凡堯卽位九

十八年墨子以為堯堂高三尺土階三等堯取散宜氏女曰

女皇  
御覽百卅五引作女瑩

生丹朱又有庶子九人皆不肖故以天下

命舜又

凡堯在位九十八年年百一十八歲乃殂百姓如喪考妣三

載四海過密八音葬于濟陰之成陽西北是為穀林堯取富

誤宜氏女曰女皇生丹朱又有庶子九人皆不肖故以天下

命舜曰咨爾舜天之歷數在爾躬允執其中四海困窮天祿

永終及堯三年喪畢舜踐天子位統文類聚十一

堯初生時其母在三河本作阿依冊府二改之南寄於伊長孺之家故

從母居為姓也五帝紀索隱

堯流其工於幽州以竄北狄遷三苗於三危以竄西戎放驩

兜於崇山以竄南蠻殛鯀於羽山以竄東夷五行大義五

堯時有草夾階而生每月朔日生一莢至月半則生十五莢

至十六日後日落一莢至月晦而盡若月小餘一莢厭而不

落

四字依藝文四卷初學四卷增

王者以是占歷唯盛德之君應和氣而生

以爲堯瑞名曰蓂莢一名歷莢一名瑞草

初學記一引作仙苑御覽四

堯以甲申歲生甲辰卽帝位甲午徵舜甲寅舜代行天子事

辛巳崩年百十八在位九十八年

五帝紀集解

堯葬穀林穀林卽城陽堯都平陽於詩爲唐國

又

堯葬濟陰成陽西北四十里是爲穀林墨子以爲堯堂高三

尺土階三等北敎八狄道死葬蛩山之陰山海經曰堯葬狄

山之陽一名崇山二說各殊以爲成陽近是堯冢也

余按小成陽在

成陽西北半里許實中俗嘜以爲因堯城

土安蓋以是爲堯冢也

水經瓠子河注

帝堯氏始封於唐今中山唐縣是也堯山在焉唐水在西北

入唐河南有望都縣山卽堯母慶都之所居也

御覽八十引作堯山在北

唐水在西北入河南有望都縣有都山卽堯母慶都之所居也相去五十里都山一名豆山

北登堯山南望都山故名其縣曰望都而地理志堯山在唐

南山中張晏以堯山實在唐北地理志堯之都後徙涿鹿世

本云在彭城南今上谷郡北自有彭城非宋彭城也後又徙

晉陽今太原縣是也於周禮在并州之域及爲天子都平陽

詩於風爲唐國武王子叔虞封焉更名唐故吳季札聞唐之

歌曰思深哉其有陶唐氏之遺民乎

後漢郡國志二注又百六

十三引云帝堯始封於唐又徙晉陽及爲天子都平陽平陽卽今晉陽晉陽卽太原也

水經沁水注曰應劭地理風俗記曰唐縣西四十里得中

人亭今於此城取中人鄉則四十也唐水在西北入滹與  
應符合又言堯山者在南則無山以擬之爲非也闕駟十  
三州志曰中山治盧奴唐縣故城在國北七十五里駟所  
說北則非也史記曰帝嚳氏沒帝堯氏作始封于唐望都  
縣在南今此城南對盧奴故城自外無城以應之攷古知  
今事義全違俗名望都故城則八十許里

原校此句  
上有脫距中

山城則七十里驗途推邑宜爲唐城城北去堯山五里與  
七十五里之說相符然則俗謂之都山卽是堯山在唐東  
北望都界皇甫謐曰堯山一名豆山

與郡國志注及  
御覽所引異

今山

於城北如東嶄絕孤峙虎牙桀立山南有堯廟是卽堯所  
登之山者也地理志曰堯山在南今攷此城之南又無山

以應之是故先後論者咸以地理記之說爲失又卽俗說以唐城爲望都城者自北無城以擬之假復有之途程紆遠山河之狀全乖古證傳爲疏罔是城西北豆山西足有一泉源東北流逕豆山下合蘇水亂流轉注東入瀨是豈唐水乎所未詳也又於是城之南如東十餘里有一城俗謂之高昌縣城或望都之故城也縣在唐南皇甫謐曰相去五十里稽諸城地猶十五里蓋書誤耳此城之東有山孤峙世以山不連陵名之曰孤山孤都聲相近疑卽所謂都山也帝王世紀曰堯母慶都所居故縣曰望都張晏曰堯山在北堯母慶都山在南登堯山見都山故望都縣以爲名也



舜姚姓也其先出自顓頊顓頊生窮蟬窮蟬有子曰敬康敬

康生勾芒勾芒有子曰橋牛橋牛生瞽瞍妻曰握登見大虹

意感而生舜於姚墟故姓姚曰重瞳故四字據藝文十一及五行大義增一名

重華字都君龍顏大口黑色身長六尺一寸有聖德始遷於

負夏販於頓邱債一作責於傳虛家本冀州每徙則百姓歸之

其母早死瞽瞍更娶生象象初學記九傲而不重象字而父頑母嚚咸欲

殺舜舜能和諧大杖則避小杖則受年二十始以孝聞堯以

二女娥皇女英妻之見舜於貳宮設饗禮迭爲賓主南面而

問政然後賜以絺衣琴瑟築宮室封之於虞十五字依御覽八百十九所引

增又路史後紀引世紀云賜之絺衣與琴爲築宮室封之虞土命爲司徒太尉試以五典有

大功二十以撰百事舉八元使布五教於四方舜於是大有大

功二十初學九引此云堯於是乃命舜為司徒太尉試以五

典舉八元入凱四惡除而天下咸服遂納於大麓烈風雷雨

弗迷堯乃命夢眉長與髮冊府等堯乃賜舜以昭華之玉老

舜代已攝政而命舜代已攝政明年正月上日始受終于文祖以學初學

太尉行事舜攝政二十八年而初學堯崩三年喪畢舜年

八十一初學增以仲冬甲子月次于畢始即真改正朔按御

學記所引俱無此三字據文選永明策秀才文注所引增堯

典正月此上日鄭注曰帝王易代莫不改正建朔堯正建丑舜

正建子此時未改堯正故云正月與鄭說合王肅以為白夏

月正元日此云仲冬正是建子月與鄭說合王肅以為白夏

已上皆以建寅為正其後偽造古文孔傳亦同以土承火色

肅說後人欲以世紀附合偽書遂刪此語耳

尚黃二初學記引此下有以正月元日格于文祖申命九官十

為二事不合尚書中候所謂建黃授正改朔選注所引增

經義誤也乃詢四岳闢四門明四目達四聰東巡狩登泰山觀河渚受

圖書褒賜羣臣尊任伯禹稷契皋陶伯益地有苗氏負固不

服禹請征之舜曰我德不厚而行武非道吾前敎由未也由通

猶乃脩敎三年執干戚而舞之有苗請服按此本韓子五蠹篇不用晚出大禹

謨立誹謗之木申命九官十二牧及殄朱虎熊羆等二十

五人三載一考績黜陟幽明禹爲司空功被天下棄爲后稷

播時百穀契爲司徒敬敷五敎皋繇爲士典刑惟明倂爲共

工莫不致力益爲朕虞庶物繁植伯夷爲秩宗三禮不闕夔

爲樂正神人以和龍爲納言出內惟允禹爲司空已下七十三字依菰文十一增

於是俊乂在官羣后德讓百僚師師以五采章施于五色爲

服以六律五聲協治治用之和烝民乃粒萬邦作乂庶績咸

熙乃作大韶之樂簫韶九成鳳皇來儀擊石拊石百獸率舞

故孔子稱韶盡美矣又盡善也景星曜於房羣瑞畢臻德被

天下執文作羣瑞畢致地出初舜既踐帝位而父瞽瞍尚存

舜常戴當作天子車服而朝焉天下大之故曰大舜都平陽

或云一作營蒲坂潞汭嬪于虞故因號有虞氏按水經河水三注引皇甫謐云

納二女于潞水之汭又書堯典正義引皇甫謐云堯有二女妻舜封之於虞今河東太陽山西虞地是也有一作

三妃元妃檀弓正義引作長妃娥皇無子次妃女英生商均次妃登當作

癸比氏生二女宵明燭光有庶子八人皆不肖故以天下禪

禹舜年八十一即真八十三而薦禹九十五而使禹攝政攝

五年有苗氏叛南征崩于鳴條年百歲按馬鄭古文尚書舜生三十徵庸二十在

位五十載陟方乃死鄭注舜生三十謂生三十也登庸二十謂歷試二十在位五十載陟方乃死謂攝位至死為五十年

舜年一百歲也東晉古文作舜生三十徵庸三十在位偽孔傳謂舜壽一百十二歲士安不用孔說知未見東晉古文也

殯以瓦棺葬蒼梧九疑山之陽是爲零陵謂之紀市在今營

道縣下有羣象爲之耕御覽八十一

耕於厯山之陽耕者讓畔漁於雷澤漁者讓淵陶於河濱陶

者器不窳初學記九 按初學記引此在娥皇女英妻之句下恐非

鄭元曰厯山在河東今有舜井皇甫謐或言今濟陰厯山

是也與雷澤相比水經疏子河注

言陶於河濱卽禹貢所謂陶邱今濟陰定陶之西南陶邱亭

是也詩魏譜正義

瞽瞍之妻曰握登生舜於姚墟故姓姚氏堯求賢而四岳薦

舜堯乃命於順澤之陽文選王元長曲水詩序注

漢中成固姚墟在西北有舜祠後漢郡國志注

負夏衛地

水經泗水注

隱 媯水在河東虞縣歷山西汭水涯也猶洛汭渭汭然也

五帝紀索

舜嬪於虞虞城是也亦謂吳城史記秦昭王伐魏取吳城卽

此城也

後漢郡國志注

長沙下雋羅有黃陵亭

湘中記亦云二妃之神又

舜彈五弦琴歌南風曰南風之薰兮可以解吾人

初學記一引作民

之愠兮

御覽九

舜恭已無爲歌南風之詩詩曰南風之時兮可以阜吾人之

財兮南風之薰兮可以解吾人之愠兮

御覽五百七十一

西王母慕舜德來獻白環及玦并貢益地圖

初學記廿一覽六百廿一

御

舜所都也或言蒲坂或言平陽及潘者也今城中有舜廟

水經

河水四注  
經注舊本潘作漢戴校改與路史同

按水

帝舜其所營都或言蒲阪卽河東縣

御覽百五十五

啓升后十年舞九韶三十五年征河西御覽八十二按此條當有誤

帝啓一名建一名余德教施於四海貴爵而尙齒養國老於

東序養庶老於西序在位九年年八十餘而終又

鄠有甘亭在縣南夏啓伐扈大戰於甘後漢郡國志一注

有扈與夏同姓書甘誓正義

夏啓元年甲辰十年癸丑崩夏本紀集解

後漢郡國志潁川陽翟禹所都有鈞臺注左傳曰夏啓有

鈞臺之享杜預曰有鈞臺陂帝王世紀曰在縣西

太康無道在位二十九年失政而崩御覽八十二

太康失國兄弟五人須于洛汭號五觀也夏本紀索隱

水經巨洋水注國語曰啓有五觀謂之姦子五觀蓋其名



所處之邑其名曰觀皇甫謐曰衛地

夏相徙帝邱依同姓之諸侯於斟尋氏

戴案帝近刻作商斟下衍灌斟二字並誤

卽汲冢書云相居斟灌也

水經巨洋水注

帝相一名相安自太康已來夏政凌遲爲羿所偪

後漢桓帝記注作遂

乃徙

後漢注作都

商當作帝

邱依同姓諸侯斟灌氏斟尋氏羿遂襲

帝號爲羿帝

御覽八十二

帝羿有窮氏未聞其姓何先帝嚳以上世掌射正至嚳賜以彤弓素矢封之於鉏爲帝司射歷虞夏羿學射於吉甫其臂長故以善射聞及夏之衰自鉏遷於窮石因夏民以伐夏篡帝相徙于商邱依同姓諸侯斟尋羿恃其善射不脩民事淫於田獸棄其良臣武羅伯因熊髡龙圉而信寒浞寒浞伯明

氏之讒子伯明后以讒棄之而羿以爲己相寒浞殺羿於桃  
梧而亨之以食其子其子不忍食之死於窮門浞遂代夏立  
爲帝寒浞襲有窮之號因羿之室生豷及豷豷多力能陸地  
行舟使豷帥師滅斟灌斟尋殺夏帝相封豷於過封豷於戈  
恃其詐力不恤民事初豷之殺帝相也如仍氏女曰后緡歸  
有仍生少康初夏之貴臣曰靡事羿羿死逃於有鬲氏收斟  
尋二國餘燼殺寒浞立少康滅豷於過后杼滅豷於戈有窮  
遂亾也

夏本紀  
正義

羿有窮氏未聞其姓其先帝嚳以世掌射故於是加賜以弓  
矢封之於鉏爲帝司射歷唐及虞夏至羿學射於吉甫其臂  
左長

一本無臂  
字左作佐

故亦以善射聞與吳賀北遊使羿射雀左目

羿引弓射之誤中右目羿俯首而愧終身不忘故羿善射至今稱之及有夏之衰羿自鉏遷於窮石因夏民之不附以代

夏政偪篡帝位故號有窮氏

御覽八十二

寒浞有窮氏既篡羿位復襲有窮之號浞因羿之室生豷及豷寡多力能陸地盪舟浞使豷率師滅斟灌斟尋氏殺夏帝相封豷於過封豷於戈恃其詐力不卹民事初豷之殺帝相也妃有仍氏女曰后緡方娠逃出自竇歸於有仍生少康焉初夏之遺臣曰靡事羿羿死逃奔有鬲氏收斟灌斟尋二國餘燼殺寒浞立少康

又

帝杼一號后杼

一作帝宁一號后予

或曰公孫曼能率禹之功夏人報

祭之在位十七年

又

帝芬一名帝槐或曰祖武在位二十六年

又

帝芑一名和或曰帝芑

又

帝泄一名帝世或曰泄宗在位十六年

路史後紀引作二十九

又

帝不降一名帝降或曰北成

原注北字或作江字

又

帝局一名帝禺或曰高陽在位二十二年

一作年又

帝厘一名頃

路史引作頓

或曰東

一作董

江在位二十年

又

水經河水五注呂氏春秋曰夏后氏孔甲田于東陽蒼山  
遇大風雨入于民室皇甫謐帝王世紀以爲卽東首陽山  
也蓋是山之殊目矣

帝皋一名皋苟

又

史記夏本紀帝發崩子帝履癸立是爲桀索隱曰按系本

帝皋生發及桀此以發生桀皇甫謐同

帝桀淫虐有才力能伸鉤索鋏手能搏熊一無熊字虎多求美女

以充後宮爲瓊室瑤臺金柱三千始以瓦爲屋以望雲雨大

進侏儒倡優爲爛漫之樂設奇偉之戲一作器縱靡靡之聲日

夜與妹喜及宮女飲酒常置妹喜於膝上妹喜好聞裂繒之

聲爲發繒裂之以順適其意以人駕車爲爲字依五十七卷增肉山脯

林以酒爲池本作以爲酒池依五十七卷改使可運舟依五十七卷增此句一鼓而牛

飲者三千餘人醉而溺水以虎入市而視其驚一作警伊尹舉

觴造桀諫曰君王不聽羣臣之言亡無日矣桀聞言乃啞然

歎一作嘯曰子又祇言矣天之有日由猶通吾之有民日亡吾乃

亡也按此引伏生尚書大傳語而不用僞孔兩日鬪蝕鬼呼於國桀醉不寤湯

來伐桀以乙卯日戰於鳴條之野桀未戰而敗績湯追至大  
涉遂禽桀於焦放之厯山乃與妹喜及諸嬖妾同舟浮海奔  
於南巢之山而死又

伊訓曰造攻自鳴條朕哉自亳

按此當作書序曰遂與桀戰於鳴條之野方與下文又曰

夏師敗績乃伐三朶相接蓋夏師敗績云云亦是序後又曰人強以偽書竄改世紀而忘伊訓無夏師云云八字也

夏師敗績乃伐三朶湯誥曰王歸自克夏至于亳

按此十一字意更不

屬亦三朶在定陶於義不得在陳留與東夷也今安邑見有

鳴條陌昆吾亭

書湯誓正義

桀敗於鳴條之野案孟子舜卒鳴條乃在東夷之地或言陳

留平邱今有鳴條亭在安邑之西

御覽百九十四

河東安邑縣西有鳴條陌湯伐桀戰昆吾亭

後漢郡國志注

夏鯀封崇伯故春秋傳曰謂之有崇伯鯀國在秦晉之閒左氏傳曰趙穿侵崇是也禹受封爲夏伯在禹貢豫州外方南角亢氏之分壽星之次於秦漢屬潁川本韓地今河南陽翟是也受禪都平陽或在安邑或在晉陽於漢平陽安邑皆屬河東晉陽屬太原太原在冀州太行恆山之西太原太嶽之野參伐之分實沈之次於周爲晉今司隸并州之域也相徙商邱於周爲衛成公夢康叔曰相奪予享是也少康中興復還舊都故春秋傳曰復禹之迹不失舊物是也世本又言夏后居陽城本在大梁之南於戰國大梁魏都今陳留浚儀是也按經傳曰夏與堯舜同在河北冀州之域不在河南也故五子歌曰惟彼陶唐有此冀方今失厥道亂其紀綱乃底滅

亾按此廿五字當刪夏本紀兄弟五人須于洛汭索隱引皇甫謐云號五觀也謐荀據東晉古文不得以五子爲五觀矣且上文既按經傳曰夏與堯舜同在河北不必又引五子歌也惠定宇按晉書謂謐之外弟天水梁柳傳古文尙書謐嘗見之故五子之歌等采入世紀孔穎達尙書正義序云晉世皇甫謐獨得其書載於帝紀其後傳授始可詳焉翔鳳按士安於古書眞僞最爲詳慎如王肅之家語束皙所得之竹書紀年未始苟且雷同豈有反引後出之書決無是理正是梁柳輩所言自禹至太康與唐虞不易都域也然則居陽城附益矣

者自爲禹避商均時非都也故戰國策稱桀之居左天門之險右天谿之陽成皋在其北伊洛在其南吳起對魏武侯亦言桀之居左河濟右泰華伊闕在其南羊腸在其北按地理志上黨商都有天井關卽天門也有羊腸坂在太原晉陽西北九十里爲通西上郡關卽吳起之所云也洛皆在下當有脫文

陽城非都審矣

御覽一百五十五



禹避商均浚儀

後漢郡國志注

禹自安邑都晉陽至桀徙都安邑至周成王時以封弟叔虞

是爲晉侯

御覽一百六十三

自禹至桀并數有窮凡十九王合四百三十二年禹一啓二太康三仲康四相五羿六寒浞七少康八杼九槐十苾十一泄十二降十三扃十四廙十五孔甲十六皋十七發十八桀

十九

初學記九

帝王世紀第四

晉徵士皇甫謐撰

長洲宋翔鳳集校

簡翟浴(元)邱之水燕遺卵吞之剖背生契

御覽三百七十一

有鸞飛而遺卵簡翟與妹競取覆以玉筐

列女傳五

殷出帝嚳子姓也主癸之妃曰扶都見白氣貫月意感以乙  
日生湯故名履字天一是謂成湯帝豐下銳上皙而有髯倨  
身而揚聲長九尺臂四肘有聖德諸侯不義者湯從而征之  
將伐桀先滅韋顧昆吾遂戰於鳴條之野桀奔於南巢之山  
湯乃即天子之位以水承金始居亳爲天子十三年年百歲  
而崩湯娶有莘氏女爲正妃生太子丁外丙仲王太子早卒

外丙代立

初學記九

成湯一名帝乙豐下銳上指有胼倨身而揚聲長九尺臂四

肘有聖德諸侯有不義者湯從而征之誅其君弔其民天下

咸服服一本作悅故東征則西夷怨南征則北狄怨曰奚

為而我後後我後我故仲虺誥曰徯我后后來其蘇也此十三

亦無此十三字凡二十七征而德施於諸侯焉有出見羅者

方祝曰從天下者從地出者四方來者皆入吾網湯曰嘻盡

之矣乃命解其三面而置其一面更教之祝曰御覽九百四

有昔蛛蝥作罔欲左者左欲右者右欲高者高欲下者下吾

取其犯命者漢南諸侯聞之咸曰湯之德至矣澤及禽獸況

於人乎一時歸者三十六國自有出見羅者至此及夏桀無

道湯使人哭之桀囚湯下使字於夏臺而後釋之夏本紀

下使字於夏臺而後釋之夏本紀

隱皇甫謐云地在陽翟

諸侯咸叛桀附湯同日職貢者五百國三年而

天下悉服湯卽天子位遂遷九鼎於亳至大垆而有慚德

此

八字據文選王元長曲水詩序注所引增入下尙有脫文

湯自伐桀後大旱七年洛川竭

使人持三足鼎祝於山川曰欲不節邪使民疾邪苞苴行邪

讒夫昌邪宮室榮邪

後漢鍾離意傳周舉傳注引此營並作榮

女謁行邪何不雨

之極也殷史卜曰當以人禱湯曰吾所請雨者民也若必以

人禱吾請自當遂齊戒剪髮斷爪以己爲牲禱于桑林之社

御覽五十五引作桑林之野後漢鍾離意傳注引以己爲犧牲禱於桑林之社以六事自責

曰唯予小子

履敢用元牡告于皇天后土曰萬方有罪罪在朕躬朕躬有

罪無及萬方無以一人之不敏使上帝鬼神傷民之命言未

已而大雨至方數千里

按此采墨子及呂氏春秋而不用東晉古文湯誥知士安所未見也

覽八  
十三

湯思賢夢見有人負鼎抗俎對已而笑寤而占曰鼎爲和味  
俎者割截天下豈有人爲吾宰者哉初力牧之後曰伊摯耕  
於有莘之野湯聞以幣聘有莘之君留而不進湯乃求婚於  
有莘之君有莘之君遂嫁女於湯以摯爲媵臣至亳乃負鼎  
抱俎見湯也御覽三百  
九十七

伊摯豐下鏡上色黑而短僂身而下聲年七十而不遇湯聞  
其賢設朝禮而見之摯乃說湯致於王道後漢馮  
衍傳注

太甲反位又不怨故更尊伊尹曰保衡卽春秋傳所謂伊尹  
放太甲卒爲明王是也太甲修政殷道中興號曰太宗孔叢  
所謂憂思三年追悔前愆起而卽政謂之明王者也按孔叢  
以下廿

二字於上下文皆不屬且重春秋傳語孔叢之一名祖甲享

出更在東晉古文之後士安必未見斷為竄入按此用書今文家言以無逸篇

國三十三年年百歲祖甲為太甲御覽八十三

桐宮蓋殷之墓地有離宮可居在鄴西南又

伊尹力牧之後生於空桑殷本紀索隱

伊尹名摯為湯相號阿衡年百歲卒大霧三日沃丁以天子

禮葬之史記殷本紀集解

帝沃丁八年伊尹卒年百有餘歲天霧三日沃丁葬以天子

之禮祀以太牢親自臨喪三年御覽八十三引以報大德焉

水經泗水注書沃丁序正義御覽十五

帝祖乙以乙日生故謂之帝乙孔子所謂五世之外天之錫

命疏可同名者也是以祖乙不為諱蓋殷禮也御覽八十三

帝盤庚徙都殷始改商曰殷

又

盤庚以耿在河北迫近山川自祖辛以一作來奢淫不絕書

庚序正義引盤庚乃南渡河將徙都亳之殷人咨嗟相怨不

欲徙盤庚乃作書三篇以告喻之今爲書盤庚三篇是也亳

在偃師後漢郎顗傳注

又文苑傳注

太戊問於伊陟伊陟曰臣聞妖不勝德帝之政事有闕白帝

修德太戊退而占之曰桑穀野木而不合生於朝意者朝亡

乎太戊懼修先王之政明養老之禮三年而遠方重譯而至

七十六國是言妖不勝德也書咸又序正義按書序伊陟

孔傳祥妖怪二木合生七日大拱不恭之罰正義曰七日大

拱伏生書傳有其文殷本紀云一暮大拱言一夜卽滿拱所

聞不同故說異也皇甫謐云太戊問於伊陟云云

據此則此當更有文不審同書大傳或同史記也

武丁卽位諒闇居凶廬百官總已聽於冢宰三年不言旣免喪猶不言羣臣諫武丁於是思建良輔夢天賜賢人姓傅名說乃使百工寫其像求諸天下見築者胥靡衣褐帶索執役于虞虢之間傅巖之野名說登以爲相享國五十有九年年百歲初高宗有賢子孝己其母早一作蚤死高宗惑後妻之言放之而死天下哀之

御覽八十三  
世說注上之上

高宗夢天賜賢人胥靡之衣蒙之而來曰云我徒也姓傅名說天下得我者豈徒也哉武丁悟而推之曰傅者相也說者權悅也天下當有傅我而說民者哉明以夢視百官百官皆非也乃使百工寫其形象求諸天下果見築者胥靡衣褐帶索執役于虞虢之間傅巖之野名說以其得之傅巖謂之傅



說案謚言初夢卽云姓傳名說又言得之傳嚴謂之傳說其

也言自不相副謚惟見此書傳會爲近世之語其言非實事

命正義春秋外傳所謂元王勤商十有四世帝甲亂之七世而隕是

也御覽入十三

帝武乙復濟河北徙朝歌又

帝文丁一曰太丁又

帝乙有二如正如生三子長子微子啓中曰微仲行小曰受

庶如生箕子年次啓皆賢初啓母之生啓及行也尙爲妾及

立爲后乃生辛帝乙以啓賢且長欲以啓爲太子太史一本無大

字據法爭之帝乙乃立辛爲太子帝乙卽位三十七年又

帝紂能倒曳九牛撫梁易柱有蘇氏叛紂因伐蘇蘇人以美

女姐已奉紂紂大悅赦蘇而納姐已爲妃常與沈醉於酒所

譽者貴所憎者誅淫縱愈甚始作象箸箕子爲父師歎曰爲

象箸必不更於土匭必將爲犀玉之杯食熊蹯豹胎

後漢西羌傳注

引此云象箸不施於土簋不盛於菽藿必須犀玉之杯熊蹯豹胎必不衣短褐處茅茨之下

必將衣文繡之衣遊於九層之臺居於廣室之中矣居五年

紂果造傾宮作瓊室瑤臺飾以美玉七年乃成其大三

御覽百七

十四里其高千丈其大宮百其小宮七十三處宮中九市車

行酒馬行炙以百二十日爲一夜六月發民獵於西山居基

年天下大風雨飄牛馬壞屋樹天火燒其宮兩日並盡或鬼

哭或山鳴紂不懼愈慢神誅諫士爲長夜之飲七日七夜失

忘歷數不知甲乙問於左右莫知使問箕子箕子謂其私人

曰爲天下主而一國皆失日天下危矣一國不知而我獨知  
之我其危矣宰人以醉熊蹯不熟紂怒殺宰人斲朝涉之脛  
而視其髓刳孕婦之腹而觀其胎又殺人以食虎諸侯或叛  
妲己以罰輕紂欲重刑乃先爲大熨斗以火爇之使人舉輒  
爛手不能勝紂怒乃更爲銅柱以膏塗之加於爇炭之上使  
有罪者緣焉足滑跌墮火中紂與妲己笑爲樂名曰炮烙之  
刑武王乃率諸侯來伐紂紂有億兆夷人起師自容閭至蒲  
水與同惡諸侯五十國凡七十一一作十七萬人距周於商郊之牧  
野紂師皆倒戈而戰紂卽位三十三年正月甲子敗績赴宮  
登鹿臺蒙寶衣玉御覽八百五引此玉下有席字自投於火而死周武王封  
其子武庚爲殷後又

紂爲玉箸箕子曰玉箸必食熊蹯豹胎散宜生獻紂黑豹

覽

八百九十二

紂以鬼侯爲三公鬼侯有女美而進之於紂悅之妲己乃泣

而譖之紂怒鬼侯女遂殺之而醢鬼侯

又三百八十三

紂作傾宮多發美女以充之武王伐殷乃歸傾宮之女於諸

侯也

後漢陳蕃傳注

紂多發美女以充傾宮之室婦女衣綾紈者三百餘人

後漢桓帝

紀注

紂自朝歌北築沙邱臺多取飛禽野獸置其中

太平寰宇記五十九

邢侯爲紂三公忠諫被誅

又

朝歌紂所都居紂糟邱酒池肉林在城西

後漢郡國志注

書泰誓正義曰殷本紀云紂爲長夜之飲時諸侯或叛姐  
己以爲罰輕紂欲重刑乃爲熨斗以火燒之然使人舉輒  
爛其手不能勝紂怒乃更爲銅柱以膏塗之亦加以炭火  
之上使有罪者緣之足滑跌墜入中紂與姐己以爲大樂  
名曰炮烙之刑後文王獻洛西之地赤壤之田方千里請  
紂除炮烙之刑紂許之皇甫謐作帝王世紀亦云然按史記殷

本紀文並不謐又云紂剖比干妻以視其胎

商契始封於商在禹貢太華之陽今上洛商是也世本契本  
居番相徙商邱本顓頊之墟故陶唐氏之火正閼伯之所居  
也故春秋傳曰閼伯居商邱祀大火相因之故商主大火謂  
之大辰故辰爲商星今濮陽是也然則契之所封商邱商洛

是也商土於周爲衛是也而學者以商邱爲契封謬矣湯始

居亳學者咸以亳本帝嚳之墟在禹貢豫州洛河之閒今河

南偃師西二十里尸鄉之陽亭是也以爲考之事實甚失其

正按詩元鳥正義引作謚考之事實失其正也孟子稱湯居亳與葛爲鄰案地理

志今梁國甯陵之葛鄉是也湯地七十里葛又伯耳封域有

制葛伯不祀湯使亳衆爲之耕有童子餉食葛伯奪而殺之

按詩正義引此文下有古文仲虺之誥曰湯征自葛始十二字於上下文義無當是後人竄入文既竄入遂各不同故御覽無此

語矣計甯陵至偃師八百里而使亳衆爲耕童子餉食非

其理也今梁自有二亳南亳在穀熟北亳在蒙非偃師也故

古文仲虺之誥曰乃葛伯仇餉初征自葛卽孟子之言是也

按此廿四字爲後人竄入當刪詩正義所引亦無湯又盟諸侯于景亳然則二亳皆

在梁矣春秋會于亳是也太甲既立不明伊尹放諸桐世本

又言太甲從上司馬在鄴西南案詩書太甲無遷都之文桐

宮其在斯乎仲丁徙囂或曰今河南之敖倉是也御覽八十

曰下有故書序曰仲丁徙于囂河亶甲徙相在河北故書序

曰河亶甲居相是也祖乙徙耿爲河所毀故書序曰祖乙圮

于耿今河東有耿鄉是也按世說注上之上引作及盤庚立

復南居亳之殷地故書序曰將治亳殷今偃師是也然則殷

有三亳二亳在梁國一亳在河洛之間穀熟爲南亳卽湯都

也按御覽本作一亳在河南南亳偃師卽湯都蒙爲北亳卽

景亳湯所盟地按詩正義引作卽景偃師爲西亳卽盤庚所

徙者也故立政篇曰三亳阪尹是也武丁徙朝歌於周爲衛

今河內縣也紂自朝歌北築沙邱臺沙邱地理志在鉅鹿東北七十里邯鄲國屬趙於禹貢在冀州大陸之野昴畢之分大梁之次至今民俗歌謠男女淫縱猶有紂之餘風世稱趙女之美是也

御覽百五十五

殷湯都亳在梁又都偃師至盤庚徙河北又徙偃師也

史記封禪

書正義

偃師帝嚳所都殷盤庚徙南亳是爲西亳

後漢郡國志一

商之饗國也三十一王是見居位者實三十王而言三十一者兼數太子丁也自湯得位至紂凡六百二十九年成湯一外丙二仲壬三太甲四沃丁五太庚六小甲七雍已八大戊九仲丁十外壬十一河亶甲十二祖乙十三祖辛十四沃甲



十五祖丁十六南庚十七陽甲十八盤庚十九小辛二十小  
乙二十一武丁二十二祖庚二十三祖甲二十四廩辛二十  
五庚丁二十六武乙二十七太丁二十八帝乙二十九紂三  
十商書曰成湯既沒太甲元年孔安國注云太甲太丁子湯  
孫也太丁未立而卒及湯沒而太甲立稱元年諡法殘義損  
善曰紂敗於牧野懸首白旗自商書曰至此非士安元文從黃帝至紂三  
十六世紂二年納姐己二十年囚文王三十年武王觀兵於

孟津

初學記九

帝王世紀第五 周

晉徵士皇甫謐撰

長洲宋翔鳳集校

棄恤民勤稼蓋封地方百里巡教天下死於黑水之閒潢渚

之野

御覽五十五

山海經大荒經曰黑水清水之閒有廣都之野后稷葬焉

皇甫謐曰豕去中國三萬里也

周本紀集解

后稷納姁氏生不窋

周本紀索隱

公非字辟方

又

雲都亞圉字

周本紀集解

公祖一名組紺諸鰲字叔類號曰太公也

周本紀索隱

古公亶父是爲太王以修德爲百姓所附狄人攻之以皮幣

事之不得免焉又事之以玉帛不得免焉又事之以犬馬不

得免焉遂策杖而去踰梁山

三字依後漢陳龜傳注增

止於岐山之陽邑

於周地故始改國曰周幽人聞之曰仁人也不可失也東循

而奔從之者如歸市焉一年而成三千戶之邑二年而成都

三年五倍其初王於是改戎俗築城郭立宗廟設官司卽詩

所謂乃召司空乃召司徒俾立室家其繩則直作廟翼翼築

之登登削屨馮馮者也周道之端蓋自此始

御覽百五十六長安志二

王季於帝乙殷王之時賜九命爲西長始受圭瓚和鬯

周南譜正

義

周姬姓也文王始修政三年而天下二分歸之入爲紂三公  
年十五而生太子發文王九十七而崩太子發代立是爲武

王武王二年觀兵至孟津之上四年始伐殷爲天子以木承水自鄴徙都鎬武王崩年九十三太子誦代立是爲成王

初學

九記

文王昌龍顏虎肩

肩史記正義冊府元龜御覽三百六十五並引作眉藐文十二作肩

身長十

尺胷有四乳敬老慈幼晏朝不食以延四方之士文王合六州之諸侯以朝紂紂以崇侯之讒而怒諸侯請送文王弃于程十年正月文王自商至程太姒夢見商庭生棘太子發取周庭之梓樹之於闕閒梓化爲松柏柞棫覺而驚以告文王文王不敢占召太子發命祝以幣告於宗廟羣神然後占之於明堂及發並拜吉夢遂作程寤始文王繼父爲西伯都於雍州之地及受命復兼梁荆二州化被於江漢之域於是諸

侯歸附之者六州而文王不失臣節先是文王夢日月之光  
著身又驚驚鳴於岐作武象之樂神農始作五弦之琴以具  
宮商角徵羽之音歷九代至文王復增其二弦曰少宮少商  
文王嗣位五十年即周書所謂文王受命享國五十年是也  
御覽八十四

文王徙宅於程

詩皇矣正義

西伯至仁百姓襁負而至

後漢陳龜傳注

文王自程徙都鄴季秋之月甲子赤雀銜丹書入鄴止於文  
王之戶言天命歸周之意先是文王夢日月之光著身

御覽三百

九十

文王即位四十二年歲在鶉火文王更爲受命之元年始稱

王矣

周本紀正義

周本紀云詩人道西伯蓋受命之年稱王皇甫謐亦云受

命元年始稱王矣

詩文王正義

文王問太公吾用兵孰可太公曰密須氏疑於我我可先伐之管叔曰不可其君天下之明君伐之不義太公曰臣聞先王之伐也伐逆不伐順伐險不伐易文王曰善遂侵阮徂其而伐密須密須之人自縛其君而歸文王

詩皇矣正義

未受命時已得太公

詩文王正義

文王晏朝不食以延四方之士是以大顛閎夭散宜生南宮适之屬咸至是爲四臣文王雖在諸侯之位襲父爲西伯紂既囚文王文王之長子曰伯邑考質於殷爲紂御紂烹以爲

羹賜文王曰聖人當不食其子羹文王得而食之紂曰誰謂

西伯聖者食其子羹尙不知也御覽八十四

文王取太姒生伯邑考武王發次管叔鮮次蔡侯次郕叔武

次霍叔處次周公旦次曹叔振鐸次康叔封次聃叔季載詩思

齊正義

文王受命四年周正月丙子朔昆縣正義引作混夷氏侵縣正義作伐周

一日三至周之東門文王閉門修德而不與戰詩采薇正義

三統厯以爲文王受命九年而崩班固賈逵馬融王肅韋

昭皇甫謐皆悉同之詩文王序正義

武王自盟津還反於周見囑人王自左擁而右扇之紂政彌

亂殷太史向摯載其圖書而歸周王以告於諸侯四年起師

至鮪水

初學記九引作武王四年起師而東遂率戎車至滌

甲子至於商郊牧野乃作

牧誓王韞係解五人侍於前莫肯爲王係韞皆曰臣所以事

君非爲係韞也王乃釋旄鉞而係之與紂戰紂師敗績擒費

仲惡來紂赴於京自燔於宣室而死二嬖妾與妲己亦自殺

乃以大白旄

大白旄一作大旗

麾諸侯入殷都百姓咸待乎郊王使

告曰上天降休商人皆拜王亦荅拜以兵入造紂及妲己尸

王親射之三發然後下車以劍擊之周公爲司徒使以黃鉞

斬紂頭懸於大白之旗召公爲司空又使以元鉞斬妲己頭

懸之小白旗明日天雨王命除道修社入商宮朝成湯之廟

登堂見美玉入室見美女王皆取而歸之諸侯

文選注五十

王命歸琬臺之珠玉當在此

天下聞之以廉於財色矣

初學記廿四引世紀曰武王入殷登



堂見美王曰誰之玉或曰諸侯之玉也王取而歸之天下聞之曰王廉於財矣置旌於商容之間釋

箕子之囚散鹿臺之財發鉅橋之粟以賑貧民命南宮适文

無适字伯達史佚遷九鼎於洛邑命閔天封比干之墓命宗祝

饗祀於軍微子膠鬲皆委質為臣殷人咸喜曰王之於人也

死者猶封其墓況其生者乎王之於賢仁也亾者猶表其廬

況其存者乎王之於財也聚者猶散之況其復藉者乎王之

於色也在者猶歸其父母況復徵之乎十年冬王崩于鎬殯

于岐時年九十三歲矣太子誦立為成王執文類聚十二御覽八十四

武王入殷命召公釋箕子之囚表商容之間出傾宮之女於

諸侯後漢周舉傳注

王命封墓釋囚又歸殷琤臺之珠玉及傾宮之女於諸侯殷

民咸喜曰王之於仁人也死者猶封其墓況生者乎王之於賢人也亾者猶表其閭況存者乎王之於財也聚者猶散之況其復籍之乎

書武成正義

商容及殷民觀周軍之入見畢公至殷民曰是吾新君也容曰非也視其爲人嚴乎將有急色故君子臨事而懼見太公至民曰是吾新君也容曰非也視其爲人虎據而鷹趾當敵將衆威怒自倍見利卽前不顧其後故君子臨衆果於進退見周公至民曰是吾新君也容曰非也視其爲人忻忻休休志在除賊是非天子則周之相國也故聖人臨衆知之見武王至民曰是吾新君也容曰然聖人爲海內討惡見惡不怒見善不喜

文選石闕銘注引此作見利不喜

顏色相副是以知之

又

詩人歌武王之德今小雅自魚麗至菁菁者莪七篇是也

雅譜

正義

武王伐紂之年夏四月乙卯祀於周廟將率之士皆封諸侯

國四百人兄弟之國十五人同姓之國四十人

詩賁正義按此本左傳

周書而不用武成偽書

武王妃御覽太公之女曰邑姜修教于內生太子誦

藝文類聚十五

御覽四十六

武王定位元年歲在乙酉六年庚寅崩

周本紀集解

文王葬於畢畢在杜南

書毫姑序正義

成王元年周公居冢宰攝政王年少未能治事故號曰孺子

八年春正月朔王始躬親政事以周公爲太師封伯禽於魯

父子並命周公拜於前魯公拜於後王以周公有勲勞於天下故加魯以四等之上兼二十四附庸地方七百里革車千乘王既營都洛邑復居豐鎬淮夷徐戎及商奄又叛王乃大蒐蕪文於岐陽東伐淮夷七年王崩年十六矣按此句有訛脫太子釗卽位蕪文類聚十二御覽八十四

邵公爲文王庶子禮記釋文

燕世家云與周同姓孔安國及鄭皆云爾皇甫謐云文王之庶子按左傳富辰言文之昭十六國無燕也未知士安之言何所憑據詩甘棠正義

自殷都以東爲衛管叔監之殷都以西爲鄘蔡叔監之殷都以北爲邶霍叔監之是爲三監史記周本紀正義

周成王時肅慎氏來獻楛矢石弩長尺有咫

初學記五

文心雕龍練字篇曰尙書大傳有別風淮雨帝王世紀云

列風淫雨

按後漢南蠻傳久矣天之無烈風雷雨注云尙書大傳作別風淮雨又按書舜典正義詩蓼蕭

臣工周頌譜正義引書傳作此列風淫雨

康王元年釋喪冕作誥申諸侯命畢公作策分民之居里于

成周之郊王在位二十六年崩子瑕代立是謂昭王

御覽八十五

昭王在位五十一年以德衰南征及濟于漢船人惡之乃膠

船進王王御船至中流膠液解王及祭公俱沒水而崩其右

辛游靡長臂且多力拯得王

周本紀正義引作其右辛游靡長臂且多力游振得王

人諱之王室於是乎大微王娶于房曰房后生太子滿代立

是謂穆王

又

穆王卽位命伯嬰

當作嬰形近而訛

爲太僕

按此本史記而不用東晉古文

今尙書

君牙伯冏二篇是也

菽文類聚四十九書以下十一字係後人所增

按今尙

周穆王征犬戎得鍊鋼赤刀用之割玉如割泥焉

御覽七十四

穆王修德教會諸侯於塗山命呂侯爲相或謂之甫侯五十

一年王一百歲

一作王已百歲

老耄以呂侯有賢能之德於是乃命

呂侯作呂刑之書五十五年王年百五歲崩于祇宮

御覽八十五

共王能庇昭穆之闕

共一作恭下同

故春秋稱之周自共王至夷王

四世年紀不明是以歷依魯爲正王在位二十年崩于囿一作

聖代立又

懿王二年徙都犬邱

又

夷王卽位諸侯來朝王降與抗禮諸侯德之三年王有惡疾

愆于厥身諸侯莫不並走羣望以祈王身十六年王崩

又

厲王荒沈于酒淫于婦人

又

共伯和干王位

史記三代世表索隱

宣王元年以邵穆公爲相秦仲爲大夫誅西戎是時天大旱王以不雨遇災而懼側身修行欲消去之祈于羣神六月乃得雨大夫仍叔美而歌之今雲漢之詩是也是歲西戎殺秦仲王於是進用賢良樊侯仲山父尹吉父程伯休父虢文公申伯韓侯顯父南仲方叔仍叔召穆公張仲之屬並爲卿佐自厲王失政獫狁荆蠻交侵中國官政隳廢百姓離散王乃修復宮室興牧人納規諫

一作興收人  
才容納規諫

安集兆民命南仲召

虎方叔吉父並征定復先王境土繕車徒興畋狩禮天下喜

王化復行號稱中興

御覽八十五

宣王遭旱非止一年故皇甫謐以旱積五年

詩雲漢正義

三十年伐魯

謂宣王三十年

諸侯從此而不睦

詩小大雅譜正義

鄭桓公友宣王庶弟

詩鄭譜正義

西鄭爲友之始封

水經渭水注

幽王三年納褒姒八年立以爲后

詩白華序正義

幽王三年嬖褒姒褒姒年十四

又

十月之交四篇正刺幽王

詩十月之交正義

魯語里革對威公云幽王滅於戲今京兆新豐東二十里戲

亭是也

詩王風譜正義

平王元年鄭武公爲司徒與晉文侯股肱周室夾輔平王率



諸侯戮力一心東遷洛邑

御覽入十五

桓王既失於信禮義陵遲男子淫奔讒僞並作諸侯背叛構

怨連禍九族不親故詩人刺之

又詩序葛藟王族刺平王也周室道衰棄其九族焉音

義作刺桓王云本亦作刺平王案詩譜是平王詩皇甫士安以爲桓王之詩崔集注本亦作桓王正義引定本亦作刺

桓王

平王時王室微弱詩人怨而爲刺今王風自黍離至中谷有

蕓五篇是也桓王失信禮義陵遲男女淫奔讒僞並作九族

不親今王風自兔爰至大車四篇是也

詩王風譜正義

僖王自卽位以來變文武之制作元黃華麗之飾宮室峻而

奢侈故孔子譏焉五年王崩子涼洪代立

御覽入十五

景王遇心疾崩于榮錡氏單穆公與劉文公立太子猛是爲

悼王景王在位二十五年 又

悼王葬景王于翟泉今濟陽太倉中大家是也 水經穀水注

翟泉在洛陽東北周之墓地 又

悼王以景王二十五年四月始即位十一月崩王立凡二百

日故春秋稱王子猛卒不成喪故不言天王崩也立王母弟

丐是謂敬王 御覽八十五

敬王四十四年元巳卯崩壬戌也 周本紀集解

元王十一年癸未三晉滅智伯二十八年崩三子爭立立應

為貞王 按依世紀當作貞定王又

貞定王十年元癸亥崩壬申 又按周本紀敬王崩子元王

介也本紀又云元王八年崩子定王介立集解徐廣曰世本云貞王云元王赤也皇甫謐曰元王十一年癸未三晉滅智伯二十

八年崩三子爭立立應為貞王索隱曰世本云元王赤皇甫謐曰貞定王考據二文則是元有兩名一名仁一名赤如史記則元王為定王父定王即貞王也依世本則元王是貞王子必有一乖誤然此定當為貞字誤也豈周家有兩定王代數又非遠乎皇甫謐見此疑而不決遂彌縫史記世本錯謬因謂為貞定王末為得也

哀王即位三月弟叔襲殺王而立是為思王補覽八十五

思王即位五月弟隗攻殺王而代立是為考哲王又

考哲王封弟揭于河南續周公之官是為西周桓公按自敬

王遷都成周號東周桓公都王城號西周桓公周本紀正義

考愍王元辛丑崩乙卯威烈王元丙辰崩己卯安王元庚辰

崩乙巳周本紀集解

威烈王崩子耽立是為元安王御覽八十五

安王子喜立是為烈王又

顯王元年趙成侯韓哀侯來攻周二年西周威公之嗣曰惠公王始封惠公少子班於鞏以奉王號東周惠公周於是始分爲東西王室微弱政在西周 又

慎靚王立六年

靚一作靖子赧王延立 又

赧王二十七年冬十月秦昭襄王仍僭號西帝齊閔王稱東帝十一月秦齊各復去帝號爲王四十五年王如秦得罪于秦秦攻周或說秦王乃止王號雖居天子之位爲諸侯之所侵偏與家人無異多貰於民無以歸之乃上臺以避之故周

人因名其臺爲逃債之臺洛陽南宮謠臺

御覽原注謠音夷又音尸移切按

一百七十七卷引作移臺

是也五十九年秦攻韓魏趙大破之王懼乃背

秦與諸侯合從將天下銳師出伊闕攻秦秦昭襄王大怒使

將軍穆

音求

攻周王王恐乃入秦頓首受罪盡獻其邑秦盡納

其獻使赧王歸于周降爲庶人以壽終

又

赧王名誕

按亦作延

赧非諡諡法無赧正以微弱竊缺逃債赧然

慙愧故號曰赧耳

周本紀索隱

周后稷始封邠今扶風是也及公劉徙居邑於豳今新平漆

之東北有豳亭是也故詩稱篤公劉于豳斯館至太王避狄

循漆水踰梁山徙邑於岐山之陽今美陽

三字據周南譜正義增

西北

有

有字亦據詩正義增

岐城舊趾是也故詩稱率西水汭至于岐下南

有周原故始改號曰周王季徙程故書序曰維周王季宅程

是也故孟子稱文王生于畢郢西夷人也暨文王受命徙都

于鄆在今京兆之西是也故詩稱既伐于崇作邑于鄆及武

王伐紂營洛邑而定鼎焉今洛陽西南洛水之北有鼎中觀

是也周公相成王以酆鎬偏處西方貢不均

按一百五十八卷引作偏在西

方職貢乃使邵公卜居洛水之陽以卽土中

又土中引作中土故援

神契曰八方之廣周洛爲中於是遂築新邑營定九鼎以爲

王之東都于洛邑故周書稱我乃卜澗水東瀍水西唯洛食

是爲王城名曰東周故公羊傳曰王城者何東周也地理志

王城本郊鄆之地是以或謂之郊鄆故春秋傳曰成王定鼎

于郊鄆河南是也今郊鄆東門名鼎門蓋九鼎所從入也成

王旣卜營洛邑建明堂朝諸侯復還酆鎬故書序曰成王旣

黜殷命還歸在酆至懿王徙犬邱秦謂之廢邱今京兆槐里

是也世本曰懿王居犬邱厲王淫亂出于彘今河東永安是

也平王卽位徙居洛洛誥所謂新邑也國語曰幽王滅周乃東遷本殷之畿內在禹貢豫州外方之域河洛瀍澗之間周於南柳七星張之分鶉火之次也及敬王避子朝之亂東居成周故春秋經曰天王入于成周是也後六年王室定遂徙都成周是後晉又率諸侯之徒修繕其城以成周城小不受王都故壞翟泉而廣焉翟泉地在成周東北今洛陽城中有周王冢是也至赧王又徙居西周而失位御覽百五十五

文王居程徙都豐

後漢郡國志注

豐在京兆鄠縣東豐水之西文王自程徙此

詩周南譜正義

鎬地卽周之故都也

太平寰宇記廿五

鎬在長安南二十里

詩小大雅譜正義

春秋成王定鼎于郊鄠其南門名定鼎門蓋九鼎所從入也

文選謝眺覽使下都詩注

雒陽周時號成周城東西六里十一步南北九里一百步

後漢

郡國志注

狄泉本殷之墓地在成周東北今城中有殷王冢是也又太

倉中大冢周景王也

又

周襄王十五年秦晉遷陸渾之戎于伊川果符辛有之言

御覽

百五十八

晉趙鞅納王使汝寬守闕塞服虔曰闕塞南山伊闕也

又

虢有三焉周興封虢仲于西虢此其地也封虢叔于東虢卽

成皋是也今郊郡平陸縣是北虢

御覽百五十九



自尅殷至秦滅周之歲凡三十七王八百六十七年武王一成王二康王三昭王四穆王五恭王六懿王七孝王八夷王九厲王十宣王十一幽王十二平王十三桓王十四莊王十五釐王十六惠王十七襄王十八頃王十九匡王二十定王二十一簡王二十二靈王二十三景王二十四悼王二十五敬王二十六貞定王二十七元王二十八哀王二十九思王三十考王三十一威烈王三十二元安王三十三夷烈王三十四顯聖王三十五慎靚王三十六赧王三十七初學記九伯禽以成王元年封四十六年康王十六年卒 獻公三十六年 哀公元年甲辰終庚午 悼公四十年元辛未終庚戌 元公元年辛亥終辛未 穆公元壬申終甲辰 北公元乙

已終丙寅 康公元丁卯終乙亥 景公元丙子終甲辰

平公元乙丑終甲子 文公元乙丑終丁亥 頃公元戊子

終辛亥

史記魯世家集解

漢武帝元鼎四年東巡河洛思周德乃封姬嘉三千戶地方  
三十里爲周子南君以奉周祀元鼎五年嘉弟昭進爵爲承  
休侯在此城也平帝元始四年進爲鄭公光武建武三年封  
姬觀爲衛公

周本紀正義

帝王世紀第六 秦

晉徵士皇甫謐撰

長洲宋翔鳳集校

秦嬴姓也昔伯翳爲舜主畜多故賜姓嬴氏孝襄公始修霸業壞井田開阡陌天子命爲伯至昭襄王自稱西帝攻周廢赧王取九鼎至莊襄王滅東西周莊襄王崩政立爲始皇帝并天下置三十六郡自以水德故以十月爲正色尙黑使蒙恬築長城焚詩書百家之言坑儒士四百六十八人三十七年崩于沙邱平臺年五十

初學記九

自昭襄王滅周至子嬰凡四王二帝合四十九年昭襄王一孝文王二莊襄王三始皇帝四胡亥五子嬰六

又

秦改鎬曰咸陽都焉爲漢驅除不求五運別以水德王秦自

始封至滅三十六世合六百五十年秦顓頊之後先世造父之爲穆王御有功封之於趙城國爲趙氏也與簡子同祖嬴姓也秦亦在水火之間又

秦自非子受封至始皇滅周之歲在大梁前後七遷皆在禹貢雍州之域荆山終南敦物之野東并輿鬼之分鶉火之次也御覽五十五

史記秦本紀帝錫（元）圭禹受曰非予能成亦大費爲輔帝舜曰咨爾費贊禹功其賜爾皐游爾後嗣將大出乃妻之姚姓之玉女集解徐廣曰皇甫謐云賜之（元）玉妻以姚姓之女也

又云蜚廉爲紂石北方集解徐廣曰皇甫謐云作石椁於

北方 死遂葬於霍太山謂蜚廉集解皇甫謐云去僊縣十

五里有冢常祠之

秦襄公二年徙都汧秦本紀正義

文公葬於西山在今隴西之西縣秦本紀集解

秦甯公都平陽按岐山縣有陽平鄉鄉內有平陽聚秦本紀正義

亳王號湯西夷之國也秦本紀集解

秦甯公葬西山大麓故號秦陵山也秦本紀正義

秦出公徙平陽後漢郡國志注

左馮翊萬年秦獻公都櫟陽是又

秦莊王葬于芷陽之麗山按芷陽一本誤作芷陽水經渭水注

秦非子始封於秦故秦本紀稱周孝王曰朕分之土邑秦本

隴西秦谷亭是也元孫莊公徙廢邱周懿王之所都今槐里是也及襄公始受鄆之地列爲諸侯文公徙汧故秦本紀曰公東獵至汧乃卜居之今扶風郿縣是也甯公又都平陽故秦本紀曰甯公二年徙居平陽今扶風郿之平陽亭是也故秦本紀曰德公元年初居雍今扶風雍是也至獻公卽位徙治櫟陽今馮翊萬年是也孝公自櫟陽徙咸陽秦本紀曰作爲咸陽築冀闕徙之及漢元年更名新城屬扶風後并於長安故太史公傳曰長安故咸陽也元鼎三年復別爲渭城今長安西北渭水陽有故城故西京賦曰秦里其朔實爲咸陽是也

是也

御覽百五十五

帝王世紀第七 前漢

晉徵士皇甫謐撰

長洲宋翔鳳集校

漢出自帝堯劉姓也豐公生執嘉卽太上皇也太上皇之妃  
曰媼是爲昭靈后生子邦字季是爲漢高皇帝秦二世元年  
諸侯叛秦沛人共立爲沛公二年入武關至霸上秦王子嬰  
降項羽自立爲西楚霸王立沛公爲漢王王巴蜀漢元年還  
攻雍遂定三秦五年破楚王羽於垓下追斬於東城天下始  
定春正月楚王韓信等請尊爲皇帝二年卽位于定陶汜水  
之陽都長安十二年崩于長樂宮年六十二初納呂公之女  
謂之高皇后生太子盈代立

初學  
記九

高祖爲泗上亭長送徒驪山徒多道亡自度比至皆失盡到

豐西澤中止飲夜乃解縱所送徒高祖即自疑亡匿於苾碭

山澤岩石之間又

高祖以秦昭王五十一年生至漢十二年六十三

解

高祖葬長陵長陵山東西廣百二十丈高十三丈在渭水北

去長安城三十五里又

豐公家于沛之豐邑中本作之依執文其妻夢赤烏本作馬

九十九御覽若龍戲已而生執嘉是為太公即太上皇也太

上皇之妃曰媼史記高祖紀索隱引皇是為昭靈后名含始

遊於洛池有玉雞高祖紀正義銜赤珠出刻曰玉英吞此者

王含始吞之生邦字季御覽八十七漢書孝惠紀立皇后

張氏注師古曰張敖之女也史記漢



書無名字皇甫謐作帝王世紀皆為惠帝張后及孝文薄后以下別制名焉至於薄父之徙亦立名字何從而得之乎雖欲示博聞不知陷於穿鑿按史記索隱知太上皇昭靈后之名皆本春秋握誠圖詩含神霧故顏氏不言其穿鑿也

元晏先生曰禮稱至道以王義道以霸觀漢祖之取天下也

遭秦世暴亂不階尺土之資不握握一作權將相之柄發迹泗亭

奮其智謀羈勒英雄鞭驅天下或以威服或以德制或以義

成或以權斷逆順不常霸王之道雜焉是以聖一本無聖字居帝

王之位而無一定之制三代之美固難及矣又

孝文即位二十三年年四十七葬霸陵因山為體廟名顧成

又

孝景帝在位十六年年四十八葬陽陵廟名德陽御覽八十八

孝武帝廟名淵龍又

宣帝廟名樂遊

御覽八十九

孝元皇帝廟名長壽

又

成帝廟名池陽

又

嬰爲孺子三年而廢爲安定公十五年而失國更始二年平陵方望等將嬰聚衆爲天子數月更始乃殺之

又

按前漢十二帝高祖一惠帝二高后三文帝四景帝五武帝六昭帝七宣帝八元帝九成帝十哀帝十一平帝十二王莽立孺子嬰居攝三年篡位十二年更始立二年

初學記九

自高祖元年至更始二年凡得二百三十年

又

更始名元字聖公卽位凡三年

御覽九十

舂陵戴侯熊渠生蒼梧太守利利生子張納何氏女生更始

後漢劉  
①元傳注

帝王世紀第八 後漢

晉徵士皇甫謐譌

長洲宋翔鳳集校

光武皇帝出自景帝也名秀字文叔更始元年爲偏將軍破  
王邑殺王尋誅王郎更始二年立爲蕭王建武元年四月更  
始降赤眉六月光武卽帝位于常山鄣之陽千秋亭都洛陽  
在位三十三年中元二年二月崩于洛陽南宮年六十三太  
子莊代立是爲孝明皇帝 初學記九

光武葬臨平亭南西望平陰 水經河水注

原陵 光武陵 方三百二十步高六丈在臨平亭東南去洛陽十

五里 後漢明帝紀注

○晏先生曰左氏春秋稱夏少康之起有田一成有衆一旅

若漢之再命世祖不借一作成旅之資平暴反正遂建中興

夏康同美矣御覽九十

顯節陵明帝陵方三百步高八丈其地故富壽亭也西北去洛

陽三十七里後漢章帝紀注

孝章皇帝以中元三年生于京師其母姓祕不出號其墓曰

長信冢御覽九十一

孝和之嗣世正身履道以奉大業賓禮耆艾動式舊典宮無

嬪嬙鄭衛之燕囿無般樂遊畋之豫躬履至德虛靜自損是

以屢獲豐年遠近承風藝文類聚十二

孝冲皇帝卽位一年年三歲御覽九十二

協字伯和獻帝也後漢獻帝紀注

禪陵

獻帝陵

在濁鹿城西北十里在今懷州修武縣北二十五

里陵高二丈周回二百步

又

漢高帝元年始爲漢王都南鄭屬漢中秦厲公所置在禹貢梁州之域北達雍南跨巴蜀與秦同分二年北徙櫟陽故秦獻公之所居後居萬年故屬馮翊今京兆縣也都長安秦咸陽之地今京兆所治縣也其城狹小至惠帝元年始更築廣五年乃成光武以武信侯進封蕭王在禹貢徐州之域於周以封子姓之別附庸事在春秋於漢屬豫州今沛國蕭是也及卽位於鄴更名高邑建武元年始都洛陽故成周之舊基城東西六里一十步南北九里一百步是以時人謂洛陽爲

東京長安爲西京

御覽百五十五

按後漢十二帝光武一明帝二章帝三和帝四殤帝五安帝  
六順帝七沖帝八質帝九桓帝十靈帝十一獻帝十二初學記九  
自漢元至更始二年凡二百一十二年自居攝元年至更始  
二年凡十八年自建武元年至延康元年凡一百九十五年  
漢前後諸廢帝及王莽合三十一帝四百二十六年又

帝王世紀第九 魏

晉徵士皇甫謐撰

長洲宋翔鳳集校

魏曹姓也武皇帝諱操字孟德漢建安二十四年進爵爲魏王改二十五年爲延康元年春正月崩于洛陽年六十六太子丕代立是爲文皇帝其年冬十月受漢禪改延康元年曰

皇

當作黃下同

初都洛陽皇初七年崩年四十

初學記九

黃初元年追尊謚號曰武皇帝廟號曰太祖

御覽九十三

曹騰封費亭侯鄴縣有費亭是也

後漢郡國志注

魏文帝登禪于曲蠡之繁陽亭爲縣曰繁昌亦禹貢豫州之域今許之封內今潁川繁昌是也

又

高貴鄉公爲太子舍人成濟所害年二十以公禮葬之

御覽九十



四

陳留王卽位禪晉封陳留王就國治鄴奉魏宗祀

又

魏武爲魏公都鄴今魏郡是也後文帝因漢之舊復都洛陽

以譙爲先人本國許昌爲漢之所居長安爲西京之遺迹鄴

爲王業之本基與洛陽凡五處故號曰五都

御覽百五十五

自皇初元年至禪晉之歲凡五帝四十五年文帝一明帝二

廢帝齊王三廢帝高貴鄉公四元帝五

初學記九

帝王世紀第十

星野

秣代墾田戶口數

晉徵士皇甫謐撰

長洲宋翔鳳集校

自天地設闢未有經界之制三皇尙矣諸子稱神農之王天下也地東西九十萬里南北八十五萬里及黃帝受命始作舟車以濟不通乃推分星次以定律度自斗十一度至婺女七度一名須女曰星紀之次於辰在丑謂之赤奮若於律爲黃鐘斗建在子今吳越分野自婺八度至危十六度曰(元)楊之次一名天黿於辰在子謂之困敦於律爲大呂斗建在丑今齊分野自危十七度至奎四度曰豕韋之次一名娵訾於辰在亥謂之大淵獻於律爲太簇斗建在寅今衛分野自奎五度至胃六度曰降婁之次於辰在戌謂之閭茂於律爲夾

鐘斗建在卯今魯分野自胃七度至畢十一度曰大梁之次  
於辰在酉謂之作噩於律爲姑洗斗建在辰今趙分野自畢  
十二度至東井十五度曰實沈之次於辰在申謂之涪灘於  
律爲中呂斗建在巳今晉魏分野自井十六度至柳八度曰  
鶉首之次於辰在未謂之叶洽於律爲蕤賓斗建在午今秦  
分野自柳九度至張十七度曰鶉火之次於辰在午謂之敦  
牂一名大律於律爲林鐘斗建在未今周分野自張十八度  
至軫十一度曰鶉尾之次於辰在巳謂之大荒落於律爲夷  
則斗建在申今楚分野自軫十二度至氐四度曰壽星之次  
於辰在辰謂之執徐於律爲南呂斗建在酉今韓分野自氐  
五度至尾九度曰大火之次於辰在卯謂之單闕於律爲無

射斗建在戌今宋分野自尾十度至斗十度百三十五分而終曰析木之次於辰在寅謂之攝提格於律爲應鍾斗建在亥今燕分野凡天有十二次日月之所躔也地有十二分王侯之所國也故四方方七宿四七二十八宿合一百八十二星東方蒼龍三十二星七十五度北方玄武三十五星九十八度四分度之一西方白虎五十一星八十度南方朱雀六十四星百一十二度周天三百六十五度四分度之一一度二千九百三十二星分爲十二次一次三十度三十二分度之十四各以附其七宿閒距周天積百七萬九百一十三里徑三十五萬六千九百九十一里陽道左行故太歲右轉凡中外官常明者百二十四可名者三百二十合二千五百星

微星之數凡萬一千五百二十星萬物所受咸系命焉此黃  
帝創制之大略也而他說稱日月所照三十五萬里考諸子  
所載神農之地過日月之表近爲虛誕及少昊氏之衰九黎  
亂德其制無聞矣洎顓頊之所建帝嚳受定則孔子稱其地  
北至幽陵南暨交趾西蹈流沙東極蟠木日月所照莫不底  
焉是以建萬國而制九州至堯遭洪水分爲十二州今虞書  
是也及禹平水土還爲九州今禹貢是也是以其時九州之  
地凡二千四百三十萬八千二十四頃定墾者九百二十萬  
八千二十四頃不墾者千五百萬二千頃民口千三百五十  
五萬三千九百二十三人至於塗山之會諸侯承唐虞之盛  
執玉帛者亦有萬國是以山海經稱禹使大章步自東極至

于西垂二億三萬三千五百里七十五步又使豎亥步南極  
北盡于北垂二億三萬三千五百里七十五步四海之內則  
東西二萬八千里南北二萬六千里出水者八千里受水者  
八千里名山五千二百五十經六萬四千五十六里出銅之  
山四百六十七出鐵之山三千六百九以供財用儉則有餘  
奢則不足以男女耕織不奪其時故公家有三十年之積私  
家有九年之儲及夏之衰棄稷弗務有窮之亂少康中興乃  
復禹迹孔甲之至桀行暴諸侯相兼逮湯受命其能存者三  
千餘國方於塗山十損其七民離毒政將亦如之殷因於夏  
六百餘載其閒損益書策不存無以考之又遭紂亂至周尅  
商制五等之封凡千七百七十三國又滅湯時千三百矣民

衆之損將亦如之及周公相成王致治刑錯民口千三百七十一萬四千九百二十三人多禹十六萬一千人周之極盛也其後七十餘歲天下無事民彌以息及昭王南征不反穆王失荒加以幽厲之亂平王東遷三十餘載至齊桓公二年周莊王之十三年五千里內非天王九嬪之御自世子公侯以下至於庶民凡千一本千作一非百八十四萬七千人除有土老疾定受田者九百萬四千人其後諸侯相并當春秋時尙有千二百國二百四十二年之中殺君三十六亡國五十二諸侯奔走不得保其社稷者不可勝數至於戰國存者十餘於是縱橫短長之說相奪於時殘民詐力之兵動以萬計故峭有匹馬之禍宋有易子之急晉陽之圍縣釜而炊長平之戰

血流漂鹵周之列國唯有燕衛秦楚而已齊及三晉皆以篡  
亂南面稱王衛雖得存不絕若綫然考蘇張之說計秦及山  
東六國戎卒尙存五百餘萬推民口數尙當千餘萬及秦兼  
諸侯置三十六郡其所殺傷三分居二猶以餘力行參夷之  
刑收大半之賦北築長城四十餘萬南戍五嶺五十餘萬阿  
房驪山七十餘萬十餘年間百姓死沒相踵于路陳項又肆  
其餘烈故新安之坑二十餘萬彭城之戰沮水不流至漢祖  
定天下民之死傷亦數百萬是以平城之卒不過三十萬方  
之六國五損其二自孝惠至文景與民休息六十餘歲民衆  
大增是以太倉有不食之粟都內有朽貫之錢武帝承其資  
蓄軍征三十餘歲地廣萬里天下之衆亦減半矣及霍光秉



政乃務省役至於孝平六世相承雖時征行不足大害民戶  
又息元始二年郡國百三縣邑千四百八十七地東西九千  
三百二里南北萬三千三百六十八里定墾田八百二十七  
萬五百三十六頃民戶千三百二十三萬三千六百一十二  
口五千九百一十九萬四千九百七十八人多周成王四千  
五百四十八萬五十五人漢之極盛也及王莽篡位續以更  
始赤眉之亂至光武中興百姓虛耗十有二存中元二年民  
戶四百二十七萬千六百三十四口二千一百萬七千八百  
二十人永平建初之際天下無事務在養民迄於孝和民戶  
滋殖及孝安永初元初之間兵飢乏苦民人復損至於孝桓  
頗增於前永壽二年戶千六百七萬九百六口五千六萬六

千八百五十六人墾田亦多軍師屢征及靈帝遭黃巾獻帝  
卽位而董卓興亂大焚宮廟劫御西遷京師蕭條豪傑並爭  
郭汜李傕之屬殘害又甚是以興平建安之際海內凶荒天  
子奔流白骨盈野故陝津之難以箕撮指安邑之東后裳不  
完遂有寇戎雄雌未定割剝庶民三十餘年及魏武皇帝尅  
平天下文帝授禪人眾之損萬有一存景元四年與蜀通計  
民戶九十四萬三千四百二十三口五百三十七萬二千八  
百九十一人又案正始五年揚威將軍朱照日所上吳之所  
領兵戶九十三萬二千推其民數不能多蜀矣昔漢永和五  
年南陽戶五十餘萬汝南戶四十餘萬方之於今三帝鼎足  
不踰二郡加有食祿復除之民凶年飢疾之難見可供役裁

若一郡以一郡之人供三帝之用斯亦勤矣自禹至今二千

餘載六代損益備於茲焉

臣昭案謚記云春秋時有千二百國未知所出班固云周之始爵五

而土三蓋千八百國轉相吞滅數百年間列國耗盡至春秋尚有數十

後漢郡國志注

郡國志五注應劭漢官儀曰永和中戶至千七十八萬口

五千三百八十六萬九千五百八十八又帝王世紀永嘉

二年戶則多九十七萬八千七百七十一口七百二十一

萬六千六百三十六應載極盛之時而所殊甚眾舍永嘉

多取永和少良不可解皇甫謐校覈精審復非謬記未詳

孰是 翔鳳按永嘉當作永壽郡國志一注所引永壽二

年戶口數多訛字宜依此校

帝王世紀附錄

隋書經籍志雜史部帝王世紀十卷皇甫謐撰起三皇盡漢  
魏帝王世紀音四卷盧綽撰

舊唐書經籍志雜史部帝王代紀十卷皇甫謐撰年厯六卷

皇甫謐撰

新唐書藝文志同

宋史藝文志編年類皇甫謐帝王世紀九卷

按世紀非編年之體蓋史家誤

錄又作九卷當時或失去一卷矣

帝王世紀補遺

務光黃帝時人其耳

一作長誤

七寸

莊子大宗師釋文

殷時有仙女名昌容隔肉見骨

御覽三百七十五

楚子熊渠封中子紅於鄂

今武昌縣也御覽一百七十

老聃初生而髮白故曰老子

御覽三百七十三

雀山之地一夕爲大澤而深九尺

御覽七十二

凡重霧三日必大雨雨未降其霧不可冒行

初學記二

九卿者所以參三公也

初學記十二御覽二百廿八

天子畿方千里曰甸服甸服之內曰京師

長安志二